



Broj: 04-GV-02-1056/18  
Datum: 09.10.2018. godine

**ZAPISNIK**  
**O RADU 13. SJEDNICE ODBORA ZA INFORMATIKU I TELEMATIKU**  
**GRADA SARAJEVA**  
*održane 09.10.2018. godine*

Prisutni:

1. Ismir Arslanović, Predsjedavajući Odbora
2. Tarik Jažić, zamjenik Predsjedavajućeg
3. Ekrem Kaljanac, član
4. Kenan Hodžić, član
5. Adnan Talić, član
6. Ajdin Kahrović, član
7. Vedad Deljković, član

Sjednici prisustvovala iz Gradske službe za Gradskog vijeće:

- Mirjana Đanović Stanić, šef Odsjeka za stručne poslove

Sjednici prisustvovala Suada Kovačević, iz Gradske službe za opću upravu i zajedničke poslove.

Predsjedavajući je otvorio sjednicu, pozdravio prisutne i utvrdio kvorum za punovažan rad i odlučivanje. Sjednica je započela razmatranjem i usvajanjem Zapisnika o radu prethodne sjednice Odbora za informatiku i telematiku održane 11.09.2018. godine većinom glasova, uz jedan suzdržan glas člana Komisije Ekrema Kaljanca, budući da nije dostavljena informacija vezano za zahtjev, iznesen pod tačkom tekuća pitanja, o smjeni navedenih funkcionera.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Prijedlog Izmjena i dopuna Programa rada Gradskog vijeća Grada Sarajeva za 2018. godinu
2. Nacrt Programa rada Gradskog vijeća grada arajeva za 2019. godinu
3. Tekuća pitanja

## **TAČKA 1.**

### *Prijedlog Izmjena i dopuna Programa rada Gradskog vijeća Grada Sarajeva za 2018. godinu*

Poslije kratkih uvodnih napomena i rasprave, te sažetka Predsjedavajućeg, jednoglasno su usvojeni sljedeći **zaključci**:

Odbor za informatiku i telematiku sugerira Gradskom vijeću da razmatra Izmjene i dopune Programa rada Gradskog vijeća Grada Sarajeva za 2019. godinu kako su predložene, uz uvažavanje sljedećeg zaključka.

Odbor za informatiku i telematiku insistira na tome da budući Izvještaj o radu Gradskog vijeća Grada Sarajeva sadrži i odnos u smislu realizacije Programa rada Gradskog vijeća donesenog pred početak godine, kao i odnos prema Izmjenama i dopunama programa za tekuću godinu, ukoliko se usvoji.

## **TAČKA 2.**

### *Nacrt programa rada Gradskog vijeća grada arajeva za 2019. godinu*

Poslije kratkih uvodnih napomena i rasprave, te sažetka Predsjedavajućeg, jednoglasno su usvojeni sljedeći **zaključci**:

1. Odbor za informatiku i telematiku sugerira Gradskom vijeću da razmatra Nacrt Programa rada Gradskog vijeća Grada Sarajeva za 2019. godinu kako je utvrđen i uputi ga u javnu raspravu, uz uvažavanje sljedećih zaključaka.
2. Odbor upućuje inicijativu Gradskom vijeću da se zaduži Gradonačelnik da, najkasnije do kraja tekuće godine, formira tijelo koje će formulirati Strategiju „Sarajevo pametni Grad” tokom sljedeće godine, te da, u tom kontestu, planira i inicijalna sredstva u Budžetu Grada Sarajeva za 2019. godinu, za izradu Strategije.
3. Odbor za informatiku i telematiku predlaže da se u Nacrt Programa rada Gradskog vijeća Grada Sarajeva za 2019. godinu, uvrsti tema kojom će se Gradsko vijeće odrediti o formiranju platforme koja bi omogućila povezivanje *start up* kompanija, na nivou Grada Sarajeva, u jednu zajednicu kroz koju bi se dijelilo znanje i savjeti, a koja bi bila otvorena za potencijalane investitore. Tema bi mogla imati naziv Odluka o pristupanju izradi platforme za *start up* kompanije u Sarajevu, a predlagač ovakve odluke, u redovnom postupku, bi bio Gradonačelnik koji bi, paralelno, predložio i planiranje sredstava, za izradu i održavanje buduće platforme. Predlaganje ove teme je rezultat ostvarene suradnje s Uredom Grada Beča u Sarajevu, tokom Manifestacije „Dani Beča u Sarajevu”, kada je Grad Beč iskazao namjeru da finansira određen projekte Grada Sarajeva, a u okviru inicijative „Sarajevo pametni grad”

## **TAČKA 3.**

### *Tekuća pitanja*

Pod ovom tačkom dnevnog reda nije bilo rasprave.

**ZAPISNIČAR**

*Mirjana Danović-Stanić*

**PREDSJEDAVALAČI ODBORA**

*Ismir Arslanović, s.r.*